

बच्चियां ताई बाइबल
पेस करदी ऐ

पैहल्ला
ईस्टर



Edward Hughes: दे जरिये लिखियो ऐ।

Janie Forest; Alastair Paterson:
दे जरिये बणाई गई।

Lyn Doerksen: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।



तिसदी माँ मरियम शोर-शराबे

आलिआ प्हाडिया पर

खडौतियो थी, तिसा

दियां उदास अंखी

इक्क खतरनाक

घटना जो दिक्खा

दियां थियां।

तिसादा पुत्र मरा

दा था। कने सैह

तिसा जगाह

अल्ल




खडौतियो थी जित्थु यीशु
जो सूलिया पर टुंगेया था।



एह सब कुच्छ किआं
होएया? यीशु सुन्दर
जिन्दगिया जो इतणे
खतरनाक
तरीके नैं
किआं खत्म
करी सकदा
ऐ?



परमात्मे अपणे पुत्रे
जो तित्थु मरणे ताई
सूलिया पर मेखां ठोकणे
दी इजाजत
किआं देई
सकदा था?
क्या यीशुयें
गलती कित्तियो
कि सैह कुण था?
क्या परमात्मा
नाकामयाब रेहआ।



नीं! बिल्कुल नीं! परमात्मा
नाकामयाब नीं होएया।
यीशुयें कोई गलती नीं
कित्तियो थी। यीशु हमेसा
ते जाणदा था कि बुरे
लोक तिसियो मारी दिंगे।
ऐत्थु तिकर कि जाहलू
यीशु इक्क बच्चा था,
ताहलू शिमोन नांरे दे
इक्की जबरें माणुयें
मरियमा नें गलाया था
कि दुख ओणे हन।





यीशु दे मारे जाणे
दे कुच्छ दिन पैहल्लै,
इक्की जणासा आई नै तिसद
पैरां खुसबुदार इतर मलेया था।



एह दिक्खी
करी चलेयां
गलाया था, कि
“एह इसियो बेकार च
बरबाद करा दी ऐ
कजोकि इसदी बोहत
जादा कीमत ऐ।
यीशुयें गलाया, “इन्नैं तां एह
भला कम्म मेरे दफनाणे तांई
कित्या था।” क्या अजीब गल्ल ऐ!



इसते बाद, यहूदा इस्करियोति,
यीशु दे बारांह चलेयां च इक्क
था, जेहड़ा 30 चाँदी दे
सिककेयां ताई यीशु जो
धोखे नैं पकड़ुआणे ताई
प्रधान याजकां
नैं मिल्ली
गेआ था।



यहूदी फसह ते त्योहारे दे
दिन, यीशुयें अपणे चेल्यां
सौगी अपणा आखरी खाणा
खादा। तिन्हीं तिन्हां जो
परमात्मे दे बारे च कने तिन्हां
लोकां नें तिसदे वादेयां दे बारे
च अनोखियां गल्लां
दस्सियां जेहडे
लोक तिस
नें प्यार
करदे हन।




ताहलू यीशुयें तिन्हां जो
बंडणे ताई रोटी कने कटोरे
च अंगूरा दा रस दिता। एह
तिन्हां जो याद दिलाणे ताई
था कि यीशु दा सरीर
कने खून लोकां दी
पापां दी माफी
ताई दिता
गेआ था।



ताहलू यीशुयें अपणे चलेयां नें गलाया, कि “मैं
पकडुआया जांगा, कने तुहां सारे मिन्जो छड्डी
करी नठी जांगे। एह सुणी करी पतरसैं गलाया,
“सारे तिज्जो छड्डी करी नठी जांगे अपर मैं
तिज्जो छड्डी करी नीं नठगा। इसा गल्ला जो

सुणी करी यीशुयें
गलाया, “कुक्ड़े दे
बांग दैणे ते
पैहल्लैं, तू
मिन्जो
पणछैणने
ते त्रै बरी



मुकरगा।”



तिसा राती यीशु
गतसमनी बगीचे च
प्रार्थना करणा गेआ।
जेहडे चले तिस सौगी
थे सैह सोई गियो थे।
यीशुयें इस तरिके नें
प्रार्थना कित्ती, “हे मेरे
पिता परमात्मा, इस
दुखे दे बगते जो मिन्जो
ते दूर करी देआ।
भिरी भी, मेरी नीं
तेरी इच्छा पूरी होयें।”



ताहलू तिसी बगत लोकां दी भीड़ यहूदा
इस्करियोति सौगी तिस बगीचे च आई गई।
यीशुयें तिन्हां दा विरोध कित्ता, अपर
पतरसैं इक्की माणुये दा कंन्न
अपणिया तलवारा नैं बड्डी
दित्ता। अपर यीशुयें तिस
माणुये दा कंन्न छुता कने
तिसियो खरा करी दित्ता।
यीशु जाणदा था कि मिन्जो
इन्हां दे हुआलैं करणा,
परमात्मे दी इच्छा ऐ।



भीड़ा दे लोक यीशु जो महायाजके दे घरे जो
लेईं गे। तित्थु यहूदी नेतेयां गलाया कि यीशु
जो मरणा चाइदा।


तित्थु पतरस तिन्हां
नौकरां सौगी अग्गी
अल्ल खडौई करी
दिखदा रेहआ।



त्रै बरी लोकां पतरसैं पास्सैं दिख्या कने गलाया,
“तूमी यीशु सौगी था!” त्रै बरी पतरस मुकरी
गेआ, जिआं यीशुयें
गलाया था कि तू त्रै
बरी मिन्जो पणछैणने
ते मुकरगा। पतरसे
कसम खादी।



कुक्कड़-कुक्कड़-कड़



तिसते बाद इक्की
कुक्कड़ बांग दित्ती। एह
पतरसे ताई परमात्मे
दिया वाणिया साइआं था।
यीशु दिया ग्लाईया गल्ला
जो याद करी नैं पतरस
जोरे-जोरे नैं रोएया।






यहूदा इस्करियोति जो

भी दुख होएया। सैह जाणदा था कि
यीशु कुसी पाप या गुनाह दा दोसी
नीं था। यहूदैं 30 चाँदिये दे
सिक्के वापस करी दित्ते,
अपर याजकां तिन्हां
वापस नीं लेआ।





यहूँ चँदिये दे
सिक्केयां जो सट्टी
दिता कने बाहर जाई
नें फांसी लगाई लेई।




याजकां यीशु जो रोमी राज्यपाल
पिलातुसे दे सामणै पेस कित्ता।
पिलातुसैं गलाया, “मैं इस माणुये
च कोई दोस नीं पांदा ऐ।”
अपर भीड़ा दे लोकां
जोरे-जोरे नैं गलाया,
“यीशु जो सूत्रिया पर



टुँगा! यीशु जो
सूत्रिया पर टुँगा।”



आखरी च पिलातुसैं हार मनी लेई
कने यीशु जो सूत्रिया पर मौती दी
सजा दिती। सपाईयां यीशु जो घसून
मारे, कने तिसदे मुँए पर थूकेया
कने तिसियो कोड़े लगाये। तिन्हां
लम्मे कंडेया दा इक्क मुकट बणाया
कने तिसदे सिरे पर रखी दिता।
भिरी तिन्हां तिसियो मरणे
ताई लकड़िया दिया
सूत्रिया पर मेखां
नै ठोकी दिता।



यीशु हमेसा जाणदा था कि मैं किस तरिके नें
मरगा। यीशु एह भी जाणदा था कि मेरी मौत
तिन्हां पापी लोकां ताई माफी दिंगी जेहड़े तिस
बसुआस करदे हन। यीशु दे
सज्जे कने खब्बे पाससैं दूँ
डाकुआं जो भी सूलिया पर
दुँगेया था। इक्की डाकुर्यैं
यीशु पर बसुआस

कित्ता कने सुअर्ग
चली गेआ। अपर दूर्यैं
बसुआस नीं कित्ता।



इतणा भरी दुख झेलणे ते बाद
यीशुयें गलाया, “पूरा होण्या,”
कर्ने मरी गेआ। तिसदा
कम्म पूरा कित्ता गेआ
था। तिसदे दोस्तां

तिसदी लाश
इक्क खास कब्रा
च रखी दिती।



ताहलू रोमी सपाईयां, जिसा
कब्रा च यीशु दी लाश
रखियो थी तिसा कब्रा
जो सील्ल करी नैं
तिसा दी रखवाली
कित्ती। हुण कोई
अन्दर या बाहर

नीं जाई
सकदा
था।



जे इसा काहणिया दा अन्त
हुंदा तां कितणी दुखे दी
गल्ल हुंदी। अपर
परमात्मे कुच्छ
अनोखा कित्ता।

यीशु मरेयां ते
दोबारा जिन्दा
होई गेआ।



हफते दे पैहल्ले दिन भ्यागा
यीशु दे कुच्छ चलेयां
कब्रा ते पत्थरे जो
खिसकेया दिख्या।
जाहलू तिन्हां
कब्रा अन्दर
दिख्या,

तां यीशु
तित्थु नीं था।



इक्क जणास कब्रा पर रौंदी रेई।

यीशु तिसा जो दुस्सेया कने
सैह बाकि चलेयां जो दस्सणे
ताई खुस होई नै दौड़ी
करी वापस गई, कि यीशु
जिन्दा होई गेआ! यीशु
मरेयां

ते दोबारा
जिन्दा होई गेआ।



यीशु तौली अपणे चलेयां अल्ल आण्या, कने तिन्हां जो मेखां दे छेदां आल्ले अपणे हत्थ दस्से। एह सच्च था कि यीशु दोबारा ते जिन्दा होई गेआ था। तिन्हीं पतरसे जो तिसियो नीं पणछैणने तांई माफ करी दिता, कने अपणे चलेयां नैं गलाया कि सैह सारे लोकां जो मेरे बारे च दस्सन। भिरी यीशु वापस सुअर्ग जो चली गेआ जित्थु ते सैह आण्या था।



पैहल्ला ईस्टर

परमात्मे दा वचन, बाइबला दी इक्की काहणिया

च पाण्या जांदा ऐ

मत्ती 26-28, लूका 22-24,
यूहन्ना 13-21

“तेरे वचनां दी समझ मिन्जो जोती दिंदी ऐ।”
भजन 119:130



आखरी



बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं
अहां जो बणाया ऐ कने जेहड़ा सैह चांहदा ऐ
कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तियो हन
जिसियो सैह पाप ग्लांदा ऐ। पाप दी सज़ा मौत ऐ,
अपर परमात्मैं अहां नैं इतणा प्यार कित्ता ऐ कि तिन्हीं
अपणे इक्कलौते पुत्र, यीशु जो सूत्रिया पर मरणे ताई
घल्लेया। तांजे अहां अपणे पापां दिया सज़ा ते बची
सकन। ताहलू यीशु दोबारा जिन्दा होएया कने सुअर्गे
जो चली गेआ। जे तुहां यीशु पर बसुआस करदे हन
कने अपणे पापां ते पश्चाताप करदे हन, तां सैह इआं
करगा जाहलू सैह वापस आंगा कने तुहां सौगी रेंहगा,
कने तुहां तिस सौगी सदा ताई जिन्दे रेंहगे।



मेरे प्यारे यीशु, मिन्जो बसुआस ऐ कि तुहां
परमात्मा हन, कने मेरे पापां तांई तुहां माणु बणी
करी अपणे प्राण देई दित्ते, कने हुण भी तुहां जिन्दे
परमात्मा हन। करिपा करी नैं तुहां मेरिया
जिन्दगिया च ओआ कने मेरे पापां जो माफ करा,
तांजे मैं हुण नौई जिन्दगी पाई सकैं, कने हर दिन
मैं तुहां सौगी रैंह। तुहां अपणे हुक्मां जो मनणे
तांई मेरी मदत करा कने मैं अपनी जिन्दगी
तुहां सौगी जी सकैं। अमीन।

हर रोज बाइबल पढा कने परमात्मे नैं
गल्तां करा। यूहन्ना 3:16

